



ATAS OFISIAL DI KOMITÊ DI SKOLAS DI BOSTON FORSA TAREFA DI SKOLAS KU IZAMIS DI ADMISON

28 di junhu di 2021

Forsa-tarefa di Admison di Skolas ku Izamis di Admison di Komitê Eskolar di Boston, realiza un reunion virtual na dia 28 di junhu di 2021, 5h00 di tardi na Zoom. Pa más informason sobre kalker un di kes itens indikadu dibaxu, konsulta <https://www.bostonpublicschools.org/esataskforce>, manda un email pa feedback@bostonpublicschools.org ò txoma pa Skritório di Komitê di Skolas di Boston pa (617) 635-9014.

PRIZENSA

Menbrus di Forsa-tarefa di Skolas ku Izamis di Admison prizenti na reunion: Co-presidenti Michael Contompasis; Co-presidenti Tanisha Sullivan; Samuel Acevedo; Acacia Aguirre; Matt Cregor; Tanya Freeman-Wisdom; Katherine Grassa; Zena Lum; Samuel; Rachel Skerritt; Rosann Tung; i Tamara Waite.

Tudu menbrus di Forsa-tarefa di Skolas ku Izamis di Admison staba prizenti na reunion.

Funionários di BPS prizenti: Monica Roberts, Chefe di Avansu di alunus, familias i Komunidad; i Monica Hogan, Diretora Izekutiva Sénior di Skritório di Dados i Responsibilidadi.

DUKUMENTOS APRESENTADUS

[Agenda](#)

[Atas di reunion di 24 di junhu di 2021](#)

[Simulason di Forsa-tarefa di Skolas ku izamis di Admison, 28 di junhu di 2021](#)

RUNION STA BEN KOMENSA

RUNION VIRTUAL DI FORSA-TAREFA DI SKOLAS KU IZAMIS DI ADIMISON Zoom

28 di junhu di 2021

Sr. Contompasis, anunsia ma runion sta ta komensa. El anunsia ki servisu di interpretason simultaniu staba dispunivel na spanhol, kriolu di Haiti, portugûês, kriolu di Cabo Verde, somali, vietnamita, Xinês cantones, Xinês mandarim i àrabe; kada interprete introduzi ses kabesas i es fla kes presentis na ses propi lingua, modi ki es pode troka kanal na Zoom pa es ases interpretason simultaniu.

Sra. Parvex lê nomi di menbrus. Sr. Acevedo, Sra. Aguirre, Sr. Chernow, i Sra. Sullivan txiga dipos ki txomadu nomis di menbrus

APROVASON DI ATAS DI RUNION: 24 DI JUNHU DI 2021

Aprovadu – Forsa-tarefa aprova unanimamenti atas di runion di forsa-tarefa di skolas ku izamis di admison di 24 di junhu di 2021 ku poku modifikason di Sr. Cregor.

DISKUSON

Sra. Hogan komensa se aprizentason ku kureson di simulason mensionadu antes. Dipos, el aprizenta 12 novus simulason pedidu pa menbrus:

| Ponderason di notas konposta | Mekanismo | | |
|---|--|--------------------------------|--|
| | 20% di klasifikason di sidadi interu, 80% di klasifikason di niveis | 100% di klasifikason di niveis | 20% di klasifikason di sidadi interu, 40% di klasifikason di niveis 40% di niveis di lotaria |
| 50% GPA, 50% Avaliason, +10% indikator di skola di altu pobreza | Simulason 3A | Simulason 4A | Simulason 5A |
| 50% GPA, 50% Avaliason, +10% indikator di skola di altu pobreza | Simulason 3B | Simulason 4B | Simulason 5B |
| 50% GPA, 50% Avaliason, +10% indikator di skola di altu pobreza | Simulason 3C | Simulason 4C | Simulason 5C |
| 50% GPA, 50% Avaliason, +10% indikator di skola di altu pobreza | Simulason 3D | Simulason 4D | Simulason 5D |

Es foi aprizentadu pa status ekunómiku, kódigu postal, i rasa ku un indikator di altu pobreza. Sra. Sullivan indika ki inpaktus más signifkativos di pontu di vista ponderado ta parse sta na diversidadi sosioekunómika. En relason a un pusivel inflason di média di notas (GPA), el fra ma el ta akredita ki maioria di profesores na sala di aula ta da notas ku integridadi.

Dr. Tung pergunta si tevi un simulason pa mekanismo di 100% di seleson di lotaria. Sra. Hogan splika konplikason di simulason di mekanismo di seleson di lotaria, visto ki es mesti un limiti di ilejibildadi pa faze-I. Sr. Contompasis adisiona ki Forsa-tarefa ka ta ser kapaz di txiga a un

28 di junhu di 2021

konsensu si es inkluí un loteria i el izorta menbrus a ka toma un puzison na loteria. El sujeri ki es uza rekisitus di ilejibilidadi di 30% i 70% di GPA. El rekomenda tanbé un distribuison di vagas di 20% - 80%: 20% klasifikason direta na sidadi interu i 80% klasifikason direta pa nível.

Sra. Sullivan fla ma el ta akredita ki lotaria kualifikadu ta ser mekanismo más justu pa distribuison di vagas má basiadu na dados ki el ten odjadu, el ta apoia un ilegibilidadi basiadu na un divison di 30% di avaliason i 70% di GPA, ku distribuison di vagas di 100% klasifikason direta dentu di un nível sosioekunómiku. Na se opinion keli ta kontinua ta aborda kes preokupason ki foi levantadu i sertifika ki kes midjor alunus di sidadi ta ten un oportunitadi pa sesiona un vaga. El ta atxa ki inpaktu di faze 100% na un klasifikason direta ta solidifika oportunitadis pa alguns di kes kriansas más vulneráveis di sidadi. El konklui ki el é kapaz di aseita 20% di klasifikason direta di sidadi, i 80% di niveis klasifikadu dentu di distribuison di vagas, si menbrus disidi na 80% GPA i 20% di avaliason pa elijibiladi.

Dr. Tung pidi forsa-tarefa pa kontinua ta konsidera lotaria. Sr. Contompasis fla ma implementa un loteria ta ser un mensajen erradu pa familias di Boston.

Sra. Skerritt fla ma lotaria ka ta parse transparenti i é putensialmeni konfusu. El spresa ki el ta fikaba más konfortável na manti un pontuason konpostu ki tinha un vantagen di altu pobreza i ki el ta apoia un divison di 50% -50% ô 40% -60% entri avaliason i GPA. El fla ma apesar ki el ta kunfia na integridadi di edukadores, el sta sienti di diferensas entri skolas i ki ku un 80%-20% di GPA i avaliason, es pode parse más subjectivo na diferentes tipos di skolas i bairros. El fla ma el ta apoia ô un divison di 20%-80% ô 100% di nível pa distribuison di vagas. El pregunta si Departamento di Kriansas i Familias (DCF) i di kes dizalojadu si koladu áparti, pode ser fetu di maneras diferentis di ki kes otus niveis dividu a ses tamanhu.

Sra. Grassa fra ma un lotaria kualifikadu ta faze sentidu si es kre pa prusesu ser simplis i klaru. Kazu kontrario, el ta ser más en favor di 40% di avaliason i 60% di GPA. El kria sabia sobri implimentason di fatores na nível di DCF, kes dizalojadu i Autoridadi di Abitason di Boston (BHA, pa ses siglas na inglês).

Sra. Lum pregunta modi ki konsentrason di kriansas ku idadi di bai skola ta inpakta diversidadi di vizinhasa si es disidi na loteria, visto ki vizinhansas ku más kriansas ku idadi pa bai pa skola ta ten un representason altu na prusesu di konviti di ki si es tinha un formula difinidu.

Sra. Sullivan fla ki dividu a altu interesi na loteria, el pensa ki Forsa-tarefa debi diskuti kel opson.

Sr. Chernow fla ma el ta apoia lotaria. Dr. Freeman-Wisdom fra ki el ka staba en favor di loteria i ki en relason di avaliason i GPA el ta prifiri un divison di 40% - 60% i kalker un ki kes subdivison pa distribuison di vagas.

Sra. Nagasawa fla ma el ta gostaba di odja un simulason pa loteria. El fra tanbé ma el staba más inklinadu pa un divison 30%-70% na avaliason i GPA, i pa distribuison di vagas el ta prifiri un 20% di klasifikason di sidadi interu, 40% di klasifikason di niveis, i 40% di niveis di lotaria.

28 di junhu di 2021

Sr. Acevedo fla ma el é kontra lotaria. El ta konkorda ku 30% di avaliasion i 70% di notas, i 100% di klasifikason direta en nível pa distribuison di vagas.

Dr. Tung fra en referensia a menbrus ki ka disidi na 20%-80% vs. 100% di distribuison di vagas ki skodja di 20% reservadu ka ta traze-s más pertu a equidadi i ki na un sidadi undi raizes na kolonialismo i ku un konplikadu segregason residencial i edukasional, un kanpu di jogo nivelado ta staba jersons di distansia si es manti reformas di kurtu prazu i mudansas di pulítika inkrementais. El fra tanbé ki reserva 20% di vagas di sidadi interu pa alunus brankus i privilejiadus era sertamenti midjor ki reserva 100% di vagas na sidadi interu, ma inda es ta staba ta reserva vagas pa kes ki dja staba ta benefisa di rasismu strutural i di kapitalismo.

Sra. Lum fla ma el tinha un inklinason kontra lotaria i dividu se prusesu di seleson alheatorio, el ta atxa ma el ka ta asigura diversidadi. Sr. Chernow splika ki lotaria ta ser fetu en nível diferenti i el ka ta ten inpaktu na loteria.

Sr. Contompasis lê di opinion di pajina editorial di 24 di junhu di 2021, di artikulu di Boston Globe ki fala kontra lotaria i en favor di divison di 20% - 80% di distribuison di vaga. Tanbé el adisiona ki 20% di kes midjores alunus ka era tudu di rasa branku privilejiadu. El pedi Forsa-tarefa pa fokaliza na kes dós propostas i pa txiga un akordu. El fra ma el ta apoia 30%-70% di avaliasion i GPA, i 20%-80% pa distribuison di vagas sen loteria.

Sra. Skerritt fla si es skodji loteria, es ta inadvertidamente afeta alunus ku disvantagem ekunómika. Sra. Sullivan repiti ki lotaria ka ta ser na sidadi interu, el ta ser dentu di nível sosioekunómiku, nton el ka ta ser un inpaktu adversu na diversidadi sosioekunómiku.

Sr. Gregor konkorta ku Sra. Skerritt, i fra ki na modelo 20%/40%/40% mesmu na bairros ku status sosioekunómiku más baxu, alunus ku status sosioekunómiku altu ta disruporsionalmenti resebi kes primerus vagas i loteria ka ta djudaba más. El kria tanbé konxi modi ki mekanismo di parti BHA ta trabadja na es nível. Sra. Sullivan splika ki el ta serba mesmu mekanismo di kódigu postal, visto ki ta tinha un nível spesializadu pa DCF, kes dizalojadu i BHA.

Sra. Contompasis sujeri ki, es devia diskuti kes dós propostas sentral ki sta na mesa; divison di 30%/70% di avaliasion i GPA ku 100% klasifikason direta ô ku 20% di sidadi interu i 80% klasifikason direta dentu di niveis. Sra. Sullivan reafirma ki el ta fika konfortavel ku un divison 30%-70% si es faze un 100% di klasifikason direta di nível. Sra. Skerritt fra ma el sta kontra 20%-80%. Sra. Aguirre staba kontra divison 20% -80% má staba aberto pa kalker di kes opson di distribuison di vagas. Sra. Grassa ka apoia divison 20%-80% má el konkorda ku 100% di klasifikason direta na nível. Sr. Gregor apoia 100% di distribuison di vagas. Sra. Nagasawa, Sra. Lum, Sr. Chernow, i Sr. Acevedo apoia divison 30%/70% avaliasion, GPA i 100% di distribuison di vaga. Dr. Freeman-Wisdom i Sra. Skerritt apoia proposta di divison 30%/70% i 100% klasifikason direta si ninhun lotaria sta involvidu. Sra. Waite konkorda ku proposta di 30%/70%.

Sra. Aguirre pidi si es podia fala sobri divison 40%60% pa avaliasion i GPA. Sra. Sullivan fla ma el ka ta apoia es opson i pidi menbrus pa da-s ses opinion. Sra. Aguirre fla ma el sta en favor di

RUNION VIRTUAL DI FORSA-TAREFA DI SKOLAS KU IZAMIS DI ADIMISON
Zoom

28 di junhu di 2021

opson di 40%/60% ku 100% klasifikason direta pa distribuison di vagas. Sra. Grassa, Sra. Skerritt, i Dr. Freeman-Wisdom konkorda ku opson 40%-60%.

Sra. Sullivan fra ki es debi poi opson 40%/60% di ladu i pidi ki menbrus diskuti opson di loteria kualifikadu. Sra. Chernow sujeri 100% ki lotaria kualifikadu dentu di níveis. Dr. Tung i Sra. Grassa apoia es opson. Sra. Sullivan sujeri ki es debi tra es opson di mesa visto ki el ka tevi más apoio. Dipos el sujeri diskuti 30% di avaliason i 70% GPA na ilejibilidadi na notas konposto, ku 10% fator di alunus ki ta atendi skolas ku altu pobreza. Alunus ta ser kolokadu na nível sosioekunómiku i klasifikadu pa nota konposto, i vagas ta ser distribuido di akordu. El sujeri ki uzadu mesmu prusesu di distribuison di vagas sima duranti pulitika interino, ki era 10 rodadas ku 10% di vagas distribuido na kada rodada, i alunus na nível sosioekunómiku más baxu ta skodji primeru.

Forsa-tarefa toma un pauza entri 19:16 pa 19:37 di noti.

Sra. Grassa pidi pa un folhetu di un pajina ku tudu ses disizon pa menbrus ten na próxima runion. Sra. Lum pergunta ki kalker disizon pendentí tanbé pode ser inkluido na un pajina.

KOMENTÁRIO DI PUBLIKU JERAL

- Sung-Joon Pai, residenti di Jamaica Plain, pai di alunu di Curley K-8 i profesor di Charlestown, fala en apoio di trabadju ki forsa-tarefa sta faze i en favor di un loteria di kualidadi.
- Mary Battenfeld, residenti di Jamaica Plain, menbru di Quality Education for Every Student (QUEST) i mãe di antigo alunu di BPS, testifika en favor di un loteria di kualidadi

KOMENTÁRIOS FINAIS:

Sra. Sullivan agradesi tudu partisipantes i menbrus di Forsa-tarefa.

SUSPENSON DI RUNION

Pur volta di 8 óra di noti, Sra. Sullivan apresenta un moson pa suspendi runion i kontinua na dia 29 di junhu. Dipos di un kurtu diskuson na diferentes opinion entri suspendi i termina runion, Maioria di menbrus di Komitê vota atraves di xamada di nomis, pa suspendedu runion. Sr. Acevedo, Sra. Aguirre, i Sra. Skerritt ka partisipa. Tudu kes otus menbrus vota-sin. Atesta:



**RUNION VIRTUAL DI FORSA-TAREFA DI SKOLAS KU IZAMIS DI ADIMISON
Zoom**

28 di junhu di 2021

Lena Parvex
Assistenti Administrativa